

rembr. n. 24. Ex Anapha (infit Apollodor. quò  
supr.) Argonauta advecti in Cretam appellere pro-  
hibentur à Talo. Hunc sanè alij ex Chalei arif-  
que genere produnt. Sunt qui à Vulcano Minoi  
datum ferunt; qui vir æneus fuit; & ab alijs  
Taurus appellatur. Huic autem venam unam, à  
collo ad calcem pertinentem fuisse, tradunt; &  
que in hujusce vene cute clavus æneus affixus esse  
videbatur. Quo circa jam Argonavim prætereun-  
tem spectans lapidibus impetebat. Demum Medea  
veneficijs (fused ea refert Apollon. Rhodius,  
d. à v. 1670.) circumventus occubuit: siquidem  
ut nonnulli memorant, Medea poculis ad insa-  
niam redactus, excessit è vita. Alij dicunt, per  
immortalitatis pollicitationem, clavum illi Me-  
deam extraxisse, omnique ex ejus corpore effuso  
sanguine; ipsum obisse narratur. Nec desunt, qui  
illum à Pavante fugitum in calce vulneratum, in-  
teremissi tradant. Idem apud Natal. Comit.  
d. lib. 6. cap. 8. Morre Tali Argonautæ fru-  
strato periculo, Candiam apullu, templum  
erexere Minervæ. Apoll. Rhod. d. à v. 1088.  
succinit.

Idem. Illam igitur in Creta noctem pernoctabant  
Heroes, interimque ipsi primi apparem  
ad Auroram  
Fannum Minervæ Cretensis adificaverunt.

DIES XVII. MARTIJ.

XVI. K. I. **G**Rad. 27. Solis in Piscibus: qui  
faustus juxta Darios, & in quo  
exaltatio Veneris. Idem & Grannuyf. lib. 8.  
cap. 21. Inconstantes venti. Aquilo spirat. Prol.  
Sol in Ariete. Favonius vel Corus. Colum. Ven-  
ter Ceti vespere occidit. Junctin. K. A. Vir nu-  
dus. Sphar. Arab. Egyptij in Iconismo  
Arietis sub Numine Ammonis, pingebant  
serpentem stipiti circumplicatum, tanquam  
prælidium in Cacodamones; simulque  
constellationem Deltæ, quæ porta Deo-  
rum, in mundi renovationem. Kircher.  
2. Oedip. Cap. p. 2. clail. 7. cap. 7. Juxta R.  
Jonatham Uzielid. 17. Nisan Arca Noë re-  
quievit in Armenia, vocatque Nisan septi-  
mum mensem, in Par. qbr. cap. 8. Genes. Ar-  
bitror dici ab illo Nisan septimum mensem  
à diluvio, quod juxta R. Eliezer, ut dicitur  
Seder-Ol. cap. 4. incepit in Septembr. quo  
etiam tempore conditus orbis. Videtis 17.  
April. & 27. Septembr. Initium mæsis hordea-  
cæ. Rabb. Salom. Leonard. Mar. & Gene-  
brard. Pridiè ex illa manipulus ipicarum, uti  
diximus, uny. 2.

Manfio 3. Dies tertia Azymorum, quo filij Is-  
raël castrametati sunt in Etham, mansione

tertia. Numer. 33. 6. & Seder-Ol. cap. 5. ubi  
manserunt biduo, nam sexta die castra-  
metati sunt in Philahiroth. Exod. 14. 2. &  
Numer. d. v. 7. hic apparuit columna nu-  
bis per diem, quæ erit columna ignis,  
teu illuminatrix per noctem, nunquam  
evanescens, sed interdum super illos de-  
fendens ab æstu Solis, & noctu illumi-  
nans tota castra; præviaque ad iter ca-  
pessendum, præcedens Ithacitas, ac con-  
sistens quo castrametandum. Exod. 13. à 21.  
Psal. 77. 14 - 104. 39. & 1. Cor. 10. 1.  
Adrichom. in Chronic. & Hieron. d. Mans. 3.  
quem sequitur Genbrard. Ann. 2670. An-  
no sequenti apparuit, geminasse Aaro-  
nis virgam, quæ cum cæteris pernocta-  
verat in Tabernaculo, ac siccam protu-  
lisse flores & amygdalas. Justu Dei in  
perpetuam rei memoriam custoditur, &  
juxta Arcam non in Arca cum Manna.  
Numer. 17. à 8. Hebr. 9. 4. Adrich. Ann. 2454.  
& Joseph. 4. Antiquit. cap. 4. Virgam hanc  
non fuisse Thaumaturgam Moytis, ad-  
erunt Alapid. Cajetan. Bronfrer. & Abu-  
lent. qui subdit (uti notavimus in nostr.  
Tautolog.) Nunquam fuisse delicatam,  
manfisseque cum floribus (sicut incorrup-  
tum Manna) immò cum fructibus, ut  
semper esset signum contra rebelles, Au-  
di somniantem Rabb. Simeonem. Virga il-  
la (inquit apud Galatin. lib. 6. Arcam. cap.  
ult.) qua Moyfes & Aaron miracula faciebant  
in terra Ægypti, & postea in deserto floruit,  
ab ea arbore excisa est, quam Deus Moyfi osten-  
dit in deserto, ut aqua amara dulces fierent;  
& hæc arbor excisa fuit ab arbore vite, quæ  
in paradiso sua erat Angelorum manibus, quam  
miserunt Adæ, cum ipse misisset Seth filium suum  
ad paradysum, misericordiam Dei imploratum  
de suo peccato. Dixeruntque Angeli ad Seth, ut  
plantaret hanc arborem: quæ quamprimum fru-  
ctum faceret, misericordie Dei in eum descenderent,  
aperirenturque porta cæli, quæ obserrate sunt. Hanc  
autem arborem, seu potius ramiu accepit Seth,  
plantavitque in deserto, quam postea Moyfes in-  
venit, & ex ea virgam suam excidit: ideoque  
Virga Dei dicta est. Cum autem venisset Israel ad  
Mare, nec illius aquas bibere posset; Deus osten-  
dit Moyfi hanc arborem, ut aquas illas redderet dul-  
ces: & hæc est arbor illa qua Moyfes serpentem  
ereum imposuit, per quam Deus universum orbem  
salvum facere instituit, & mittere misericordiam  
suam super Adam, cum venerit Rex Mesar:  
tunc enim hæc arbor fructus gestabit, quibus se-  
cundo aqua amara efficietur dulces, purga-  
buntque primum peccatum, omnique delicta que  
fecerunt, facturique sunt homines. Alia videtis

Columna  
ignis & nu-  
bis.

Vide hæc  
virgæ

8. Se-

Defecti  
Manna. 8. Septembr. n. 6. Hac die anno 41. ab egres-  
su Ægypti defecisse Manna, autumat Serar.  
in Josue 6. quæst. 31.

3. Comprehendit Gedeon postridiè vi-  
ctoriam, quam retulimus d. 16. jugulatis  
ad vada Jordanis per Ephraimitas Oreb &  
Zeb, duos alios reges Madian, qui cum 15.  
millibus fugerant, scilicet Zebee & Salma-  
na, quos ipse interfecit, tulitque ornamen-  
ta & bullas regalium camelorum. Raschi  
quò pridie, ex Judic. 8. à 10. Eodem stra-  
tagemate, quo turbaberat totum exercitum,  
perculsit hodie ira reliquias, ut immittà à  
Deo cæcitate, in obvios rabie favirent. Se-  
rar. hic à quæst. 7. Joseph. 5. Antiq. cap. 8.  
attribuit confusioi linguarum. Tanta inter  
semisomnes (inât) consternatio exoritur; ut in-  
comparabiliter plures mutuis vulneribus, quam  
hostili ferro caderent, quod diversa lingvæ ho-  
mines eadem castra haberent, semel enim pa-  
vore confusi, obvios pro hostibus trucidabant.  
Quicquid dicat Raschi, mihi aridè vi-  
ctoriâ postridiè; quippe Gedeon diluculo  
diei sequentis primam victoriam, tran-  
sivit Jordanem, & nocte irruit in eos; li-  
quet à v. 10. Post à cunctis electus in prin-  
cipem, quem Deus illius factionis destina-  
verat Ducem; quod modeste respuit signans  
Dominum Dominatorem Israël: solumque  
petijt in aures aureas, quas pendentes habe-  
bant Madianitæ; ex quibus ille fecit Ephod,  
quod posuit in civitate sua in monumentum  
præclaræ victoriæ; quod quidem fuit ruina  
post eus mortem non tantum domui suæ,  
sed universo Israël. ibid. à v. 24. Quid hic  
intelligatur per Ephod, videtis apud Serar.  
in cap. 8. quæst. 16. Abulens. & Alapid. hic  
v. 27.

4. Dantur Gabaonitis septem filij Saul  
in cruce, ut cessaret fames orta triennio  
in Israël, eò quod Saul contra juramentum  
Gabaonitis per Josue præstitum (qui servi-  
tio Sanctuarij mancipavit) voluit delere,  
ex eisque multos occidit. Ceciderunt hi septem  
simul occisi in diebus mæsis primis, incipien-  
te mæsiione hordei. 2. Reg. 21. 9. Triumphus  
Josaphat de Moabitis, Idumæis & Ammoni-  
tis, partâ victoriâ in Engaddi die 13. omni-  
nò mirabili: quapropter die post victoriam

4. congregati sunt in Valle benedictionis, sic  
dicta ex tunc, quia ibi gratias Deo egere,  
procedentes in Jerusalem cum latitia ma-  
gna. 2. Paralip. 20. à 26. Adrich. in Juda  
n. 51. & Bernard. Breindenbach Itiner. cap.  
6. ex Joseph. 9. Antiq. cap. 1. Postquam mun-  
da templi cuncta, quæ polluerat Achaz. ex-  
posita dives sacra supellex coram altari Do-

Socienda  
victoria Ge-  
deonis.

Cruisifixi 7  
filij Saul.

Triumphus  
Josaphat.

Ezechias  
renovavit  
templi cul-  
tum.

mini; & tunc Ezechias renovavit abolitum  
cultum magnificis sacrificijs, victimisque  
opimis: quæ religio duravit usque in tem-  
pli destructionem per Nabuchum. 2. Paralip.  
29. à 18. Vide caetera 14. April. 3.

5. Assuerus & Aman (ut constat ex pri-  
die dictis, n. 9.) ægrè lectulo quiescebant.  
Ille de Mardochai honore sollicitus, hic de  
dedecore: quandoquidem ut quod cogita-  
verat, suspendium ab Assuero impetraret  
Mardochai, diluculo Regiam intraverat:  
de seque benè actum judicavit, dum ita fa-  
cilem ad Regem habuisset accessum; quo-  
niam ab Assuero, vocatus, ac de honore sum-  
mo dignoque Regis magnificentia interro-  
gatus, quasi de suis meritis (quæ philautia  
extollit) ageretur; honores expressit, quæ  
cupiebat sibi. Rex verò lætus (ait Joseph. 1. 1.  
Antiquit. cap. 6.) Ergo vade, inquit, & sum-  
pto equo, veste ac torque, Mardochaum Judæum  
quare, & sic ornatum, equo insidentem ipse præ-  
cede, agens præconem interim; nam tu amicus  
es intimus, & consilium, quod dedisti, exequere-  
ris optime: debetur enim honor hic mee vite con-  
servatori. His præter omnem spem auditis, vix  
fuit compos animi: & cum non haberet quid aliud  
faceret; exivit cum equo, purpura & torque  
aureo: inventumque ante aulam Mardochaum in-  
dutum sacco, jussit, eo deposito, induere pur-  
puram. Qui veritatem rei nesciens, sed illud  
sibi putans, Scelestissime, inquit, ad eone cala-  
mitati nostra insultas? Persuasus tandem, quod  
Rex hoc ei præmium pro accepta salute redderet;  
induit purpuram, qua Rex ipse uti est solitus, &  
ornatus torque, conscensoque equo, urbem obe-  
quitabat, precedente Amane & clamante: Sic ho-  
norabitur, quem Rex honorare voluerit. Perlustra-  
tà deinde urbe, Mardocheus ad Regem ingreditur  
(Mentitur, non enim ingressus est ad  
Regem, quousque suspensus Aman. Esth. 8.  
1. immò ut ibid. dicitur, cap. 6. 12. finitâ  
pompa, reversus est Mardocheus ad januam pala-  
tij: & ad saccum, ait Chald. quippe necdum  
revocatum decretum in cladem Judæorum  
expeditum) Aman verò præ pudore domum se  
contulit. Vestem prætiosam qua honoran-  
dus à Rege Mardocheus, & ab illo selectam,  
describit Targum Scheni, cap. 6. Esth. v. 10.  
Dixit Rex Amani: Abi cito ad Thesaurum regium,  
& accipe inde unum ex tegumentis purpureis opti-  
mis: & accipe inde vestes sericas, optimas parna-  
dimas (vulgò, Escarlatin) & metaxam (hoc est,  
Sericum) cum lapidibus pretiosis, margaritis  
appensis in quatuor angulis ejus, & rimbabu-  
lis aureis, & malogranatis undique appensis. Mi-  
hi videtur omninò ludicrè voluntaria hujus  
vestimenti forma, ficta in allusionem orna-  
tus

Exaltatur  
Mardo-  
cheus.

Ejus me-  
stis in ho-  
mibus.